

Script of Morning Gojri News Bulletin 07 December 2024 at 1015Hrs

ما رننگ گو جری نیوز بلیٹن مورخہ 07 دسمبر 2024

یوہ آکا شوانی جموں ہے محمد اکرم چودھری تیں خبر سنو۔

Pak Azhar

بھارت نے جمعہ آلے دن مطالبو کیو ہے کہ پاکستان دہشت گرد مسعود اظہر غے خلاف کا روائی کرے۔ جہیزو ممنوعہ دہشت گرد تنظیم جیش محمد غو سربراہ تے 2001 پا رلیمانی حملہ جیسا دہشت گرد حملوں غو مسائتر ما ٹینڈ ہے۔ واضع رہ جے یوہ سخت بیان 21 سالوں بعد پہلی بار پاکستان کا صوبہ پنجاب غا بھاول پور غا اسلامی مدرسہ مانہ عوامی تقریر غی اطلاع غے بعد آيو ہے۔ جس مانہ اُس نے مبینہ طور ور بھارت ور حملہ جا ری رکھن غو عزم کیو۔ اور نال ہی وزیر اعظم نریندر مو دی واسطے تو پین امیز الفاظ غو استعمال کیو ہے۔ مسعود اظہر غا بیان غو حوالو دیتاں وزارت خارجہ غا ترجمان رندھیر جیسوال نے اک طے شدہ پریس کانفرنس مانہ یوہ وی کہیو کہ سرحد پار توں دہشت گرد تنظیمیں غی لگاتار دہشت گردی پاکستان غا دوغلہ پن نانہ واضع کرے۔

KV Schools

مرکزی سرکار نے صوبہ جموں واسطے 10 سکولان سمیت پورا ملک مانہ 85 نواں کیندریہ ویدیالیہ کھولیا جان نانہ منظوری دے دتی ہے۔ گذشتہ شام نانہ نوی دہلی مانہ کابینہ غی میٹنگ توں بعد ذرائع ابلاغ نال گل بات غے دوران اطلاعات ونشريات کا وزیر اشونی ویشنو نے کہیو ہے کہ نواں کیندریہ ویدیالیہ اسکولان غا کھولیا جان نال لگ بھگ 82 ہزار 5 سو 60 طالب علم پورا ملک غے اندر بہترین تعلیم حاصل کر سکیں گا۔ انہاں نے کہیو جے جموں کشمیر مانہ 13 نواں کیندریہ ویدیالیہ سکول کھولیا جائیں گا۔ جن مانہ 10 صرف جموں خطہ غے اندر کھولیا جائیں گا۔ نواں کیندریہ ویدیالیہ جموں صوبہ غا ضلع رام بن غا گول، تے رام بن، ضلع کٹھوعہ غا بنی تے رام کوٹ، ضلع ریاسی غا ریاسی تے ککریال، ضلع کشتواڑ غا مغل میدان، ضلع پونچھ غا گولپور، ضلع سانبہ غا وجے پور تے ضلع اڈھم پور غا پنچیری مانہ کھولیا جائیں گا۔ تے اس توں علاوہ خطہ کشمیر غے اندر 3 کیندریہ ویدیالیہ رتنی پورا، گلندر تے درگمولہ مانہ کھولیا جائیں گا۔ وزیر موصوف نے مزید دسیو ہے جے 28 نواں نیودیہ ویدیالیہ سکول وی ملک غے اندر کھولیا جائیں گا۔ جن مانہ 15 ہزار 6 سو تے 80 طالب علمان نانہ نو دیہ ویدیالیہ سکیم غے تحت فائندو حاصل وے گو۔

CM Omar

جموں کشمیر غا وزیر اعلیٰ عمر عبداللہ نے کہیو ہے جے اُن غی سرکار لوکان نال کیا گیا وعدہ نانہ پورا کرن آلے پاسے پوری طرح گامزن ہے۔ انہاں نے کہیو جے سرکار خطہ غا تشخص غا تحفظ واسطے ثابت قدم ہے۔ جناب عمر نے کہیو جے اُن غی پا رٹی نے چناؤ غے دوران اپنا منشور مانہ جہیزو وعدہ لوکان نال کیا تھا اُن نانہ تندہی نال پورا کرن واسطے کم کر رہی ہے۔ انہاں نے مزید زور پایو جے سرکار پچھلی دہائیاں مانہ تعمیراتی مسائل غا نمیزا واسطے ثابت قدم ہے۔

Arms Licence

جموں ضلع انتظامیہ نے تمام فائر بندوق لا ئسنس رکھن آلاں نانہہ ہدایت کی ہے جے وے ہتھیاراں با رے ترمیمی قانون 2019 غے تحت اضافہ ہتھیار جمع کراویں جے کدیں اُن کو لے 2 تیں زیادہ فائر آلا ہتھیار ہیں۔ ضلع مجسٹریٹ جموں غی طرفوں جاری کیا گیا حُکم غے مطابق ایسا افراد نانہہ اک ہفتہ غے اندر اندر اپنا نزدیکی پولیس سٹیشن یاہ متعلقہ ادارہ مانہہ ہتھیار جمع کرانا ویں گا۔ حکم نامہ ور عمل نہ ہون غی صورت مانہہ مذکورہ افراد غو کلا ئسنس فوری طور ور رد کر دتو جائے گو، تے اُن ور کا روائی وی عمل مانہہ آئی جائے گی۔

Enterprenours

تقریباً 1 لکھ 37 ہزار نوجوانان نانہہ کامیاب کاروباری بنان واسطے اُن غی شناخت غو سروے اگلا مہینہ مانہہ شروع ہو رہیو ہے۔ واضع رہے جے اس مشق گو مقصد جموں کشمیر مانہہ اُن نوجوانان غی شناخت کرنو ہے جہیڑا یوا مہم غے تحت خود غو روز گار بکھ بکھ کاروباری سرگرمیاں غے ذریعے چلایا جان آلے پاسے راغب ہیں۔ اس بارے گذشتہ روز چیف سیکریٹری غی سربراہی مانہہ اک میٹنگ غے دوران فیصلو لیو گیو ہے۔ جس مانہہ محنت کش تے روز گار محکمہ غا افسران سمیت دوجا متعلقین نے وی شمولیت کی۔

Smart India

ملک پھر غا 51 مرکزوں ور 11 دسمبر 2024 نانہہ سمارٹ انڈیا ہیکتھان غا 7 واں شمارو شروع ہو رہیو ہے، تے اس تقریب غو افتتاح مرکزی وزیر برائے تعلیم دھرمیندر پر دھان عملی طور کریں گا۔ سمارٹ انڈیا ہیکتھان اک ایسو پلیٹ فارم فراہم کرے جہیڑو ہم نانہہ روزمرہ غی زندگی مانہہ درپیش چند اہم مسائل غا حل کرن واسطے تے اس طرح غا مصنوعات غی جدت اور مسائل غا حل واسطے ذہن سازی غی ثقافت نانہہ فروغ دے۔ جموں مانہہ یاہ تقریب آئی آئی ٹی جموں مانہہ منعقد کی جا رہی ہے۔

Vication

جموں کشمیر غا اسکولی تعلیم محکمہ نے کشمیر صوبہ تے جموں خطہ غا سرمائی زون غے تحت آن آلا ہائر سکینڈری سرکاری تے تصدیق شدہ نجی اسکولان مانہہ سردیاں غی چھٹیاں غو اعلان کر دتو ہے۔ آکاشوانی جموں غا نمائندہ نے خبر دتی ہے جے 5 ویں توڑی غا اسکولان مانہہ 10 دسمبر تیں 28 فروری تک جد کہ 6 ویں تے 12 ویں تک 16 دسمبر توں 28 فروری توڑی چھٹی رہیں گی۔

اس غے نال ہی خبراں غو یوہ بلیٹن ختم ہوؤ۔